

- II. Et corporis cura habenda. Non ergo prohibendæ recreationes moderatæ, v. 14. Contra Præcisistas & Pietistas.

## DISPUTATIO XIV.

*Aphorismi ex Capite XIV.*

1. Infirmus conscientia ne temere condemnet firmum, nec firmus scandalum præbeat infirmis. Fides & charitas omnia moderetur, v. 1. seqq.
2. Regula Apostolica: ἕκαστος ἐν τῷ ἰδίῳ νοὶ πληροφροεῖσθω, damnat implicitam fidem, omnique Syncretismo rimas occludit, v. 5.
3. In adiaphoris potest Domino ferviri etiam actionibus contradictoriis, v. 6.
4. Neque tamen ideo celebratio diei Dominicæ feriatæ est adiaphora, v. 6.
5. Statio universalis omnium coram tribunali Christi non evertit Evangelium Christi de credituris non venturis in iudicium, Joh. III. 10.
6. Si omnis lingua debet confiteri Dominum, ergo versio Bibliorum in vernaculam linguam est necessaria, v. 11.
7. Christus etiam pro damnatis & perituris est mortuus, v. 15.
8. Opera irrogenitorum sunt peccata, v. ult.

## DISPUTATIO XV.

*Aphorismi ex Capite XV.*

1. Fides & charitas duo sunt oculi in adiaphororum usu jungendi, quorum alter sine altero conscientiam lædere potest ex accidenti, v. 1.

2. Chri-